

SOKATIRA. Co Korenek tinko eutsi die ezarritako baldintzei, eta kanporatzea gauzatu du; klubeka izango da aukera

Euskadi nazioen arteko lehiatik kanpo

TWIFek ez du aintzat hartu eskaria, eta nazioen arteko lehian aritu nahi badu, Espainiaren menpean izan behar du

Koldo Alduntzin | DONOSTIA

Co Korenek, eta oro har TWIFek (Nazioarteko Sokatira Federazioa), tinko eutsi dio Akita-ko (Japonia) gertakarien ondorioz hartutako erabakiari. Hau da, euskal sokatiralariak nazioarteko txapelketetan nazio mailan esku hartu nahi badute, hark jarritako baldintzekin soilik egin ahal izango dute. Hau da, Espainiaren izenean, eta haren ikur guztiekin, hots, jantziak, bandera eta ereserkia.

Erabaki horren berri Xabier Leibar Eusko Jaurlaritzako Kirol Zuzendariak helarazi zion atzo Euskadi Irratiari, eta hau esan zuen: «Hartutako erabakiari eutsi diote, eta bistan da Akitan gertatutakoak min handia egin diela. Izan ere, sokatira COIn (Nazioarteko Batzorde Olinpiarra) sartzeko ahaleginetan ari ziren, eta txapelketan COIko kideak zeuden».

Holandan egin zuten bilera TWIFek eta euskal ordezkariak. Euskal ordezkariak, Euskadiko Herri Kirol Federazioko lehendakariak (Isaac Izurieta), TWIFeko ordezkariak (Anton Fernandez), idazkariak (Idoia Etxeita), eta, Eusko Jaurlaritzako Kirol Zuzendariak (Xabier Leibar) osatu zuten.

Munduko Jokoen aurretiko egoerara itzultzeko eskariak gain, hori onartzea zail ikusten baitzen, gutxienez, klubeka es-



KOLDO ALDUNTZIN

Euskal sokatirarentzat kaltegarria da TWIFek hartutako erabakia, baina aurrera egin behar du.

ku hartzen uzteko eskaria ere besapean eraman zuten euskal ordezkariak, eta horren inguruan «badirudi hori onartzeko prest zegoela», adierazi zuen Leibarrek.

Co Korenek gauzatu egin du euskaldunen aurka zuen asmoa

Makina bat aldiz; eta batez ere, azken hiruzpalau urteotan, erakutsia zuen Co Korenek ez zuela asmo izpirik ere Euskal He-

rriari bere izenean ofizialki jarduten uzteko, eta ez du izan inolako zalantzarik euskal tiralariak nazioarteko jardunetik kanporatzeko. Hori argi geratu zen Sakanak abuztuaren 25ean eginiko aldarrikapen ekintza-aren ondoren. Co Korenek idatzi bat sinarazi zion Selektioko entrenatzaileari (Isaac Izurieta), zeinean eskatzen baitzuen biharamunean ez zutela ekin-tzarik egingo.

Selektiokoek hori onartu arren, kanporatu egin zituen txapelketatik, eta bortizki. Beraz, arantza kendu du holandar-rrak, baina sokatiran ahaltsua den nazio bat ere galduko du. Bistan da goi mailako euskal sokatiran eragin handia izango duela erabakiak, eta tiralari askorentzat kolpea. Horregatik, lehengo saiakerak nahikoak izan ez baziren, oraingo egoe-rak gehiago eskatuko du.

TALDEAK

Entrenatzen jarraitu dute, baina ez behar bezala

Irailaren 19an da hastekoa lur gaineko Europako Txapelketa Suitzan, eta hara joatekoak ziren Nuarbe eta Areso nazioen arteko txapelketan esku hartzeko. Jakin arren egoera bihurria zela, entrenatzen jarraitu dute bi taldeek, baina ez behar bezala. «Egia esateko, entrenatu baino gehiago egoeraz mintzatzen dugu. Ez gara ongi pasatzen ari, ez baitakigu gure entrenamenduek balio-ko duten zerbaiteko. Gainera, pisuari eutsi behar diogu badaezpada ere, eta hori asko kostatzen da», dio Mikel Baraibar Aresoko tiralariak. Aresok 560 kiloko txapelketan aritu behar zuen, eta pisu horretan hainbeste denboran irautea zaila da.

Nuarbek 640 eta 680 kiloko txapelketetan jardun behar zuen, eta gipuzkoarrek ere, entrenatzen segitu dute. Izan ere, klubek arteko txapelketan jarduteko aukera izanez gero, hartan, gutxienez, tiratzeko aukera ikusten zuten.

ERRUGBIA. Norgehiagoka istilutsua izan zen, eta Euskarianseko bi jokalariek egotzi zituen epaileak; Euskarians irabazten aritu zen

Euskariansek 12 puntugatik galdu du Bahia Blancako final gogorra, Crhischurtsen aurka

Koldo Alduntzin | DONOSTIA

Euskarians, Bahia Blancako (Argentina) nazioarteko txapelketaren finalera heldu zen, baina hartan, Zeelanda Berriko Crhischurtsek txapela janzteko aukera kendu zion, 12 puntugatik irabazita. Final gogorra eta istilutsua gertatu zen; batez ere, epaileen erruagatik. Gogorkeria baimendu zuen, eta bi jokalariek egotzi zituen; biak ala biak euskaldunak, eta horietako bat Igor Isasi kapitaina.

«Lehen zatian puntu bateko aldearekin ginen aurretik. Zeelandarrek joko geldoa erabili zuten, eta baliteke gu joko horretan erortzea. Horregatik lis- kar asko sortu zen», dio Igor

Isasi kapitainak. Penatan zen eibartarra: «Guri bizi jokatzeko interesatzen zitzaigun, baina ez genuen lortu». Euskaldunek hiru entsegu egiteko aukera ere izan zuten. Oro har, «maila ona» ikusi duela txapelketan ze- har aipatu du, eta argentinarek buruz aipamentxo hau egin du: «Txikiak dira, baina biziak eta bihurriak».

Harrigarria bada ere, zeelandarrek Pumitaseko (Argentinako Selektzioa) hiru jokalarirekin jardun zuten Euskariansen kontrako finalean. Euskariansek Argentinako Konbinatua menderatu zuen finalerdian (11-37), eta Crhischurtsek Pumitas kanporatu zuen (19-29). Gogoratu behar da Euskarians izan dela

Europako talde bakarra Bahia Blancako txapelketan.

Euskariansen hurrengo erronka hiruko txapelketa

Hango Euskal Etxeari esker joan da Euskarians Argentinara, eta Luis Mokoroa *manager*-ak adierazi duenez, «ongi» pasa dute Euskal Etxeari esker. Guztira 31 kide joan ziren Bahia Blancara, eta horietatik 25, jokalariek; 19 urte azpitikoak.

Euskariansekoak atzo goizean heldu ziren, eta hurrengo erronka prestatzen hasiak dira. Orain arte gizonezkoak aritu dira lehian, baina hurrengoan emakumeek eman nahi diete aukera. Hain justu, hiruko txapelketa litzateke, eta Euskarian-



KOLDO ALDUNTZIN

Euskariansek Marokoren kontra jokatu- tuko partida, Baionan.

sek, Frantziak eta Espainiak jardungo lukete. Frantziarrek baiezkota eman zioten Gerard Murillori, eta badirudi, Espai-

niako entrenatzaileak ere onartuko duela. Dena ongi lotuz gero, abenduan izan liteke txapelketa.